

Kanuni takatifu iliandikwa na Mchungaji Sun Myung Moon huko Korea. Ujumbe wake ulioandikwa kwa lugha ya Kikorea ulitafsiriwa kwa mara ya kwanza kwa Kiingereza na sasa umetafsiriwa kutoka Kiingereza hadi Kiswahili. Kanuni hii takatifu inafungua njia kwa yule anayetafuta majibu ya ukweli kwa maswali mengi ya kimsingi hii si tafsiri rasmi kwa mujibu wa baraza la Kiswahili Bakita na tunaomba kwa unyenyekevu msomaji asiwe mkali hata kidogo katika uwasilishaji na tafsiri, jambo ambalo si la moja kwa moja. kutoka Makao Makuu ya kanisa la umoja, lakini kwa wafuasi rahisi na wa kujitolea wa Baba Moon, wanapotaka kusambaza ujumbe wake kwa watu wanaozungumza Kiswahili. Tunapenda kukualika usome kwa makini kitabu hiki kitakachokupa maono mapya ya ulimwengu. na itabadilisha maisha yako yote.

CHAPTER SEVEN

SURA YA SABA

UKRISTOLOJIA (UKRISTO)

CHRISTOLOGY

Yesu ni mtu wa namna gani ? Kuna uhusiano gani kati ya Yesu na Mungu ? Kuna uhusiano upi kati ya Yesu na Roho Mtakatifu ? Kuna uhusiano upi kati ya Yesu na mtu wa anguko ? Utatu na kuzaliwa tena (upya) humaanisha nini?

Kristolojia hukabili maswali haya. Ili kuyajibu lazima tuanze kuelewa thamani ya mtu asili na wa kweli. Sababu yake ni kuwa kama Adam na Hawa wangejikamilisha na wangekuwa watu wa kweli, mume na mke wa kweli, na wazazi wa kweli, wakizaa wazawa waliomwilishwasha (ghubikwa) na wema, pasingekuwapo haja ya majadiliano ya Masihi (na hivyo basi hakuna haja ya majadiliano juu ya Kristolojia).

I : THAMANI YA MTU AKAMILISHAYE DHUMUNI LA UUMBAJI

Kutokana na dhana zifuatazo, hebu tujadili thamani ya mtu anayekamilisha dhumuni la uumbaji, hii ina maana kuwa, ni yule afuzuye thamani ya Adam mkamilifu.


Awali ya yote nini thamani ya mtu huyu mkamilifu kwa kumhusisha na Mungu ? Kutokana na “Kanuni ya Uumbaji”, mtu ameumbwa kama mtoto wa Mungu, kama mtendewa ambaye kimwili hufananishwa na Mungu asiyeonekana. Pale mtu akamilishapo dhumuni la uumbaji, huwa mwili wa Mungu, kiumbe ambacho Roho wa Mungu huishi ndani yake. (1Wakor 3 : 16). Kimaumbile ana asili ya kimungu na ni mmoja na Mungu kihulka. Ni mtu wa kweli, amekamilika kama Baba yake wa Mbinguni alivyokamilika, kama Yesu alivyosema (Math 5 : 48). Hivyo mtu wa kweli ni yule ambaye anaonekana aliyemwilishwa (ghubikwa) na Mungu, ni mwana au binti wa kweli wa Mungu, ana hulka ya Mungu, na anakamilisha Dhumuni la Uumbaji.

Pili, nini thamani ya mtu mkamilifu katika uhusiano na watu wengine ? Kutokana na « Kanuni ya Uumbaji », dhumuni la Mungu la kuumba mtu ni Mungu kufaidi raha ya furaha kupitia kwake mtu huyo. Hivyo kila mtu ni mtendewa kimwili akifananishwa kimaumbo na tabia ndani ya Mungu, ambaye ndiye mtenda. Kwa kuwa watu hufanana mambo yote ya ulimwengu ya Mungu, watu wote wana asili moja. Hata hivyo kila awaye yote hufanana na tabia pekee ndani ya Mungu. Hivyo hakuna watu wawili ambao ni wale wale sawia. Kama Mungu aliumba, popote katika Uumbaji wake, watu wawili au zaidi ambao tabia zao ni sawia, basi Uumbaji wake Mungu ungekuwa ni kazi bure. Kwa kuwa mtu ameumbwa ili awe

ni wa milele, tamano la Mungu la kupata raha kupitia mtu awaye yote inatimizwa tosha kupitia mtu huyo mmoja.

Kwa hiyo mtu anayekamilisha lengo la uumbaji huwa mtu asiye na mfano, ni wa pekee katika ulimwengu wote, hata awe wa namna gani. Kwa maneno mengine mtu wa kweli, mtu akamilishaye dhumuni la uumbaji, ni mtu namna ya pekee ambaye hatafananishwa milele daima, hivyo ana thamani aliyozaliwa nayo pekee, ambayo haiwezi kukataliwa.

Tatu, nini thamani ya mtu mkamilifu katika uhusiano wake na uumbaji wote ? Kufuatana na kanuni ya uumbaji, mtu aliumbwa atawale dunia ya kiroho kwa uwezo wa roho yake na dunia ya umbo kwa uwezo wa mwili wake. Mtu, kwa hali hiyo huwa muunganishi wa dunia hizi mbili katika uhusiano wao. Mtu anayekamilisha dhumuni la uumbaji anapaswa kuutawala ulimwengu wote (Mwa 1 : 28).



Thamani ya mtu akamilishaye dhumuni la uumbaji :

1. Thamani ya takaifu
2. Thamani ya kipekee
3. Thamani ya kiulimwengu


Roho ya mtu ni kuwa maikrokosimu (ulimwengu-mdogo) wa dunia ya roho na mwili wake uwe maikrokosimu wa dunia ya kimwili. Mtu wa kweli, yule anayekamilisha dhumuni la uumbaji, ni ulimwengu- mdogo (ana ana thamani ya ulimwengu wote. Ukweli kwamba mtu kiasili ana thamani ya ulimwengu ni hoja ya maoni ya Yesu, kwa kusema “ ‘na itamfaidia nini kama mtu atapata dunia yote na kuangamiza maisha yake ? (Math 16 : 26).

II : YESU NA MTU AKAMILISHAYE DHUMUNI LA UUMBAJI.

A : Yesu na mtu mkamilifu.

Kama ilivyoielezwa katika ‘anguko’, kama Adam angekuwa mtu wa kwanza kukamilisha uthamani wa uumbaji, angekuwa hasa Mti wa Uzima ambao unatajwa katika kitabu cha mwanzo 2 : 9, na hivyo , wabini wake wote wangukuwa ni miti ya uzima. Hata hivyo kwa kuwa Adam alianguka, hakuweza kufikia thamani ya mti wa uzima (Mwa 3 : 24) na kuanzia


hapo, watu wa anguko wamekuwa wakitumainia ukombozi wao na kuwa miti ya uzima (Mithali 13 : 12, Ufunuo 22 : 14).



Ingawa mtu wa anguko ana jina la kuwa 'hai' kwa kweli yeye ni mti wa uzima batili na uliokufa (Ufunuo 3 : 1). Kwa kuwa watu wa anguko hawawezi kujikomboa kama miti ya uzima kwa nguvu zao wenyewe, Mti wa Uzima – kwa maneno mengine mtu ambaye amekamilisha uthamani wa uumbaji – lazima aje, ampandikize mtu wa anguko kwake. Mtu ajaye kama Mti wa Uzima ni Kristu (Ufunuo 22 : 14). Hivyo Adam mkamilifu aliyeashiriwa kama Mti wa Uzima katika Bustani ya Eden, na Yesu, anayefananishwa na Mti wa Uzima katika Ufunuo 22 :14, wanafanana katika mtazamo kwamba wote ni watu ambao wametimiza adili la uumbaji.

Na hapo basi, Yesu ni mwanadmu ? Ndiyo ni mwanadamu. Ni mfano wa mtu aliyekamilisha adili la uumbaji ; ni mtu wa kweli, mfano wa mtu yule ambaye alipaswa kuwa tangu awali, kwa jinsi hiyo thamani yake haiwezi kulinganishwa na mtu wa anguko.

Kama ilivyokwisha tajwa, mtu wa kweli ni yule atimizaye kusudi la uumbaji, ni mwilisho wa Mungu, na ni mkamilifu kama Mungu alivyo mkamilifu, akiwa na thamani takatifu. Mtu mkamilifu pia ni wa pekee, asiyeshabihiana (rudufu) na mtu mwingine na ni Bwana wa ulimwengu wote na ni mwenye thamani ya ulimwengu wote. Yesu ni mtu wa kweli, na hivyo ni mtu wa thamani hiyo.



Thamani ya Yesu :

1. Thamani takatifu
2. Thamani ya kipekee
3. Thamani ya kiulimwengu

Kanuni haikatai moja kwa moja imani ya pamoja ambayo imechukuliwa na wakristo wengi kwamba Yesu ni Mungu, kwa sababu mtu mkamilifu, wa kweli ni mmoja na Mungu. Zaidi ya hayo, pale Kanuni inapoweka msimamo wa kuwa Yesu ni mtu wa kweli, hii haipunguzi hata kidogo thamani yake. Hii ni rahisi kwamba pale mtu anapochunguza thamani ya mtu mkamilifu, tunagundua ni sawa na thamani ya Yesu. Kwa kweli, kama mwanaume na mwanamke wa kwanza wasingeanguka nao wangekuwa mwanaume na mwanamke wa thamani hiyo, hapo kuja kwa Yesu kusingekuwa kwa lazima. Lingekuwa kosa kubwa kusema ukweli, kuchukulia kuwa thamani ya mtu wa anguko inaweza kulinganishwa na Yesu, sababu Yesu alikuwa ni mtu. Alikuwa ni mtu wa kweli. Hebu tudodose mingi ya kibiblia ya kusema hili.

Kwa kuwa kuna Mungu mmoja, kuna mwakilishi/mpatanishi kati ya Mungu na watu, *mtu huyu* Kristu Yesu (I Tim 2 :5)

Kwa kutotii mtu mmoja wengi walifanywa wenye dhambi, na hivyo kwa utiifu wa mtu mmoja wengi watafanywa wenye haki (Warumi 5 :19).

Kwa jinsi kifo kilikuja kupitia kwa Adam, kwa mtu (Yesu) kumekuja ufufuko wa wafu. (I Wakor 15 :21)

.....kwa sababu amepanga siku ambayo atahukumu dunia kwa haki ya mtu ambaye amemchagua, na kwa hili ametoa uhakika kwa watu wote kwa kumfufua katika wafu. (Maten 17 :31)

Vipengele hii vinaonyesha kuwa Yesu alikuwa mtu. Yesu mwenyewe alijitambulisha kama Mwana wa mtu katika shemu nyingi za biblia (mfano Lk 17 :26, 18 :8).

B : Je, Yesu ni Mungu ?

Mpaka sasa hivi, wakristo wengi wameamini kwamba Yesu ni Mungu, muumbaji, wakiwa wameegemea kimsingi vifungu vifuatavyo kutoka katika Biblia :-

Wakati Filipo alipomwomba Yesu amwonyeshe Mungu, Yesu alijibu, « yule aliyeniona amemwona Baba', inawezekanaje mkasema, 'tuonyeshe Baba' ? Je hamuamini kuwa nipo ndani ya Baba naye ndani yangu ? » (Yoh 14 :9, 10) hata hivyo hii haimaanishi kuwa Yesu ni Mungu. Kama ilivyokwisha fafanuliwa hapo juu, Yesu alikuwa udhihirisho wa Mungu asiyeonekana na ni mmoja na Mungu katika Roho ; na bado hii haimaanishi kuwa alikuwa ni Mungu. Filipo alimwambia Yesu kumwonyesha Mungu. Lakini Mungu anaweza kung'amuliwa kwa dhati na mtu ambaye ni mkamilifu. Filipo alikuwa bado hajafikia ukamilifu, na kwa hiyo Yesu hakuwa na uchaguzi mwingine zaidi ya kujionyesha mwenyewe.

Vile vile Biblia inasema, ‘Alikuwa Yesu duniani, na dunia iliumbwa kupitia kwake, bado ulimwengu haukumtambua’ (Yoh 1 :10). Katika msingi wa kifungu hiki, wakristu wanaamini kuwa Yesu ni muumbaji.

Mengwa mkuu wa thamani ya Mungu ya uumbaji ni mtu, na mbingu zimepangwa na kuumbwa ili ziwe eneo ambalo kila mtu mwadilifu atalitawala. Hivyo Mungu akafanya ya kuwa mtu atakayekamilisha dhumuni la uumbaji kuwa wa thamani ya hali ya juu kabisa. Kutoka kiumbe cha chini hadi cha juu, Mungu aliviumba vyote na baadaye alimuumba Adam kama bwana wa vitu vyote. Halafu yote kama mtu aliyekuwa anatimiza dhumuni la uumbaji, akawa mtu wa thamani ambayo Mungu aliiona mapema kabla ya uumbaji kuumbwa. Katika hali hii, Yesu alikuwepo tangu mwanzo. Wengine hujaribu kumfananisha Yesu na Mungu katika msingi wa kunukuu katika Yoh 5 :58, ambamo Yesu alisema ‘kabla ya Ibrahim kuwepo, mimi nipo’. Lakini Yesu hakumaanisha kuwa alikuwa Mungu. Kwa namna nyingine Yesu aliweza kusema hivi kwa sababu, pamoja na kwamba ubini wake ulitokana na Ibrahim, kiukweli yeye ni mkongwe wa Ibrahim kwa sababu alikuja kutoa kuzaliwa upya, kwa watu wote katika mingi wa Adam mkamilifu, hii ndiyo kusema, kutoka katika nafasi ya mzazi wa kweli, babu wa kweli wa watu wote.

Kama Yesu alikuwa Mungu na hapo katika dunia ya roho, baada ya kufufuka kwake angeweza kuwa mmoja na yule yule Mungu, kuliko kuwa katika nafasi ambayo ni ‘karibu na Mungu’. Hata hivyo, katika dunia ya roho, Yesu anasemekana kuwa mkono wa kulia wa Mungu akituunganisha sisi kwake (War 8 :34). Yesu alizaliwa duniani kama mwana wa mtu na alikuwa na mwonekano wa umbo kama la mtu mwingine yeyote. Katika dunia ya kiroho anaishi kama nafsi roho kama vile wanafunzi wake waishivyo, tofauti pekee iliyopo ni kwamba nafsi roho yake haina asili ya dhambi hivyo hung’ara sana.

Kama Yesu angekuwa Mungu, iweje atuunganishe kwake mwenyewe ? wakati alipoomba alionyesha wazi ya kuwa hakuwa Mungu kwa kumwita Mungu Baba (Yoh 17 :1) kama Yesu angekuwa Mungu ingewezekana vipi atiwe majaribuni ? (Math 4 :1) na kuteswa na kupelekwa kusulubiwa msalabani na shetani ? ni dhahiri kwa ushahidi maalum kwamba Yesu siye Mungu wakati akiwa msalabani, akalia kwa sauti, Mungu wangu, Mungu wangu, mbona umeniacha ? (Math 27 :46)

C : Yesu na mtu aliyeanguka.

Mtu aliyeanguka halinganishwi na Yesu. Mtu wa anguko hakamilishi dhumuni la uumbaji, na yuko mbali na roho ya Mungu. Nini zaidi, kwa sababu ana dhambi ya asili, yumo katika hali ya chini mno kiasi kwamba hata huwaonea wivu malaika, ambao waliumbwa wawe watumishi wa mtu, na hawezi kujinasua na shutuma za shetani kwake. Hivyo mtu wa anguko ni tofauti sana na Yesu ambaye alikuwa mkamilifu, mtu wa kweli, hata hivyo pamoja na kwamba mtu wa anguko hana thamani, kwa kuzaliwa upya kiroho kupitia kwa Yesu, ambaye alipaswa kuwa baba wa kweli, mtu wa anguko atakombolewa kama mwanaye wa kiroho na baadae kufanana na Yesu. Halafu Yesu huwa mkuu wa kanisa (Waef 1 : 22) na watu wa anguko ndiyo mwili wake na waumini (I Wakor 12 :27). Yesu ndiye Hekalu kuu nasi tu matawi

ya hekalu hilo ; (Yoh 15 : 5). Ili tuwe miti ya mizeituni ya kweli, sisi kama miche ya mizeituni pori, tunapaswa kupandikizwa kwake Yesu, ambaye ndiye mti wa mizeituni wa kweli (Warumi 11 : 17). Hivyo Yesu alituita sisi rafiki zake, na Yohana akasema kuwa atapotokea Yesu, tutakuwa kama yeye (I Yoh 3 : 2). Biblia inasema pia ya kuwa Yesu ndiye ‘matunda ya kwanza’ nasi tutafuata nyuma yake (I Wakor 15 : 23).


III. KUZALIWA MARA YA PILI NA UTATU .

A : Maana ya kuzaliwa mara ya pili, (kuzaliwa upya).

Yesu alimwambia Nikodemo mtawala wa wayahudi kwamba, bila mtu kuzaliwa upya, hawezi kuuona ufalme wa Mungu (Yoh 3 :3). Na halafu kwa nini mtu azaliwe upya ?

Kama Adam na Hawa wangekamilisha uthamani wa uumbaji na wangukuwa watu wa kweli, wazazi wa kweli, wa kuzaa watoto wa kweli (bila dhambi), ufalme wa mbingu duniani ungekamilishwa. Hata hivyo, kwa sababu ya anguko lao, walitokea kuwa wazazi batili, na wazawa wao wamekuwa na dhambi ya asili na kudhihirisha ufalme wa jehanam duniani. Kwa hiyo watu wa anguko hawawezi kuuona ufalme wa Mungu isipokuwa tu wazaliwe upya kama watoto wa mbingu wasio na dhambi ya asili.

Hatuwezi kuzaliwa bila wazazi. Watu wa anguko kwa dhati wanahitaji wazazi wa wema ambao watawapa uzao mpya na kuwa watoto wasio na dhambi ya asili ; ukimwezesha kila mmoja kuingia katika ufalme wa Mungu. Yesu alikuwa baba wa kweli ambaye alikuja kutupa kuzaliwa upya kama watoto wa wema. Kwa hiyo, (I Petro 1 : 3) anasema, ‘abarikiwe Mungu na baba wa bwana wetu Yesu Kristu ! kwa huruma yake kuu tumezaliwa upya katika tumaini – hai kwa ufufuko wa Yesu Kristo kutoka kwa wafu’. Hii inaonyesha kuwa Yesu ni kiini cha kuzaliwa upya. Yeye anaitwa vilevile ‘Adam wa mwisho’ (I Wakor 15 : 45) na ‘Baba wa milele’ (Isaya 9 : 6) kwa sababu alikuwa awe Baba wa kweli, ambapo Adam alishindwa kuwa hivyo.




Hata hivyo, kuwapa watu wa anguko uzawa mpya kama watoto wa wema, lazima awepo si Baba wa Kweli tu ila na Mama wa Kweli. Roho Mtakatifu ndiye yupo katika nafasi ya Mama wa Kweli akiwa na Yesu mfufuka. Hii ndiyo maana Yesu alimwambia Nikodemo kwamba lazima azaliwe upya – azaliwe na Roho Mtakatifu (Yoh 3 :3 – 5). Kwa kuwa Roho Mtakatifu alikuja kama Mama wa Kweli, au Hawa wa pili, wapo wengi ambao hupata ufunuo ukionyesha kuwa Roho Mtakatifu ni Roho – jike. Roho Mtakatifu huliwaza na kuvutia roho za watu (I Wakor 12 :3 – 10). Yesu amekuwa akifanya kazi katika dunia ya kiroho, na wakati huo huo Roho Mtakatifu akifanya kazi duniani ya kusafisha dhambi za watu.

Tunapomwamini Yesu, tunaingia katika upendo utokanao na uhusiano kiushirika kati ya Yesu mfufuka na Roho Mtakatifu ambao ni Baba wa Kweli wa roho na Mama wa Kweli wa roho. Kwa kuzaliwa upya kutokana na kumwamini Yesu na kumpokea Roho Mtakatifu humaanisha roho ya mtu huwa mpya na mhusika hupokea uzima mpya kupitia upendo wa Wazazi wa Kweli wa kiroho. Huku ndiko kuzaliwa upya kiroho. Hata hivyo kwa kuwa mtu alianguka kiroho na kimwili, kila mtu awaye yote lazima azaliwe kiroho na kimwili. Hii ndiyo sababu kuwepo kwa haja ya ujio wa pili.

B : Maana ya utatu.


Mpaka hivi sasa, kutokana na taaluma ya dini ya Ukristo, Wakristo wameelewa ya kuwa Mungu ambaye anafanya kazi ya wokovu wa mtu kuwa ni mtatu mmoja (Mungumwoja mwenye nafsi tatu) na wameamini kuwa ajidhihirishapo hutokea mmoja katika nafsi tatu, Baba, Mwana na Roho Mtakatifu. Anapojifunua kama muumbaji, huwa katika nafsi ya Baba yetu wa mbinguni. Anapojifunua kama mwokozi yupo katika nafsi ya mwana, na anapojidhirisha yeye mwenyewe kama mleta amani anakuwa katika nafsi ya Roho Mtakatifu.

Nadharia ya Utatu imechangia mjadala mrefu katika historia. Hebu tuchunguze hili katika ufahamu wa Kanuni. Kama anguko la mtu lisingetokea Mungu asingekuwa na haja na Roho Mtakatifu na Yesu wafanye kazi ya kumkomboa mtu. Kama Adam na Hawa wangejikamilisha wao wenyewe kama mwana na binti wa Mungu, kila mmoja akighubikwa na umungu wa Mungu, na hapo wangukuwa wakamilifu kama Baba yao wa mbingu alivyo mkamilifu (Math 5 : 48), na wangepata umoja wa thamani pamoja na Mungu (Yoh 14 : 20), na hapo Adam angetakuwa mwana mtakatifu wa Mungu, na Hawa bintiye mtakatifu. Wangukuwa mume wa kweli na mke wa kweli, chini ya utawala wa Mungu. Kama Adam na Hawa wangukuwa kitu kimoja kama wazazi wa kweli, chini ya Mungu wao pamoja na Mungu ndio wangukuwa *utatu asilia*. Utatu uliotokana na roho na thamani ya Mungu.



Utatu wa Kishetatni


Ulikamilishwa




Utatu Asilia wa Mungu

Haukukamilishwa

Hili ni sharti la muhimu kwa kudhihirisha Baraka Tatu na Msingi wa Nafasi Nne ambazo hukamilisha Dhumuni la Mungu la Uumbaji. Na bado kwa sababu ya Anguko, Adam na Hawa wakatokea kuwa wazazi batili wa mtu, na kushindwa kutimiza Dhumuni la Uumbaji, walijenga utatu wenye msingi kwa Shetani. Kwa hiyo, ili kukamilisha Dhumuni la Uumbaji, Mungu akawa na Yesu na Roho Mtakatifu wachukue nafasi ya Adam na Hawa, wakawa kama Adam wa pili na Hawa wa pili na kama Wazazi wa Kweli. Hata hivyo, katika kuwapo utatu wa kiroho chini ya Mungu, Yesu na Roho Mtakatifu walihitimisha kazi ya kuwa Wazazi wa Kweli wa kiroho tu. Kwa hiyo, Bwana wa Ujio wa Pili anakuja kuwa Baba wa Kweli atakayeujenga utatu katika roho na mwili.



Adamu wa Pili Hawa wa Pili
Utatu wa Kiroho



Adamu wa Tatu Hawa wa Tatu
Utatu wa Kiroho na Kimwili